

նում, որոնք համանուն գեղերը իրենց պարագաներով սուղելով միանում են Ողեկին եւ ապա խառնուում Թորդումին: Ողեկ ջրի Աւազանը մեծ մասամբ անտառապատ է:

Թորդում վտակը Ողեկ ջրի խառնունքից գէպի հիւսիս ուղղուելով՝ ձախ կողմից ընդունում է Ընկուզէք, Ջէլիա, Օշկ եւ Վանֆ առ-րը, որոնք իջնում են Ընկուզէք եւ Հարկետր լ-րից-հիւսիս-արեւմուտքից հարաւ-արեւելք ուղղութեամբ եւ թափուում են Թորդում վտակը, լճի մօտերքը, սուղելով համանուն գեղերը իրենց բաժանմունքներով: Վանքը Ոչկին է պատկանում. գեղից երկու կիլոմետր հեռու է եւ իր ճարտարապետութեամբ առաջին տեղն է բռնում ամբողջ Տայոց աշխարհում, որի եօթը հրաշալիքներից մէկն է եւ ամենանշանաւորն է: Այս վանքից ոչ շատ հեռու կան մեծամեծ դամբարաններ մատուռի նման, որոնք այժմ թշուառ Իսլամ հասարակութեան բնակարանի են ծառայում: Թէեւ բարբարոս ձեռքերի հետ ժամանակը քայքայել ու փշրել են սքանչելի քանդակները. բայց մնացածներն էլ արդէն ապացուցանում են, որ ժամանակին ճարտարապետները ճաշակ են ունեցել, երբեք չեն ընդօրինակել, ո՛չ միայն ուրուագիծն ու յատակագիծը, այլ նոյն իսկ ամէն մէկը ինքնուրոյն հեղինակել եւ քանդակել են դամբարանների ներքին եւ արտաքին հիւսուածոյ քանդակները: